



Svoj vječni smiraj pronašlo je jedanaest nevinih žrtava, čiji su posmrtni ostaci pronađeni u nekoliko masovnih grobnica. Na mezarju Rakita ukupno je ukopano 315 osoba, a građani Vlasenice i okoline još uvijek tragaju za posmrtnim ostacima više od 2.000 svojih najmilijih.

Današnju kolektivnu dženazu je predvodio vojni muftija Ismail efendija Smajlović, a prisustvovalo joj je oko 2.000 građana Tuzlanskog i Sarajevskog kantona, te iz Podrinja. Među njima nije bilo visokopozicioniranih bošnjačkih političara, a dženaza je, za razliku od ranijih godina, protekla u dostojanstvenoj atmosferi i bez provokacija građana srpske nacionalnosti iz Vlasenice.

Na mezarju Rakita danas su ukopani: Abid Alibašić, Ibrahim Bećirović, Abdulah Džodžaljević, Senad Bećirović, Fahir Muminović, Mirsad Mehremić, Mevludin Manjić, Muhidin Manjić, Nedim Šahinpašić, Senad Šahinpašić i Meho Sinanović. Među ubijenim su i dva maloljetnika, Meho Sinanović i Mevludin Manjić, koji su 1992. godine imali nepunih 17 godina.

9-ta Vlasenicka Dzenaza

Autor Klix.ba

Subota, 20 Travanj 2013 12:26 - Ažurirano Nedjelja, 14 Srpanj 2013 14:01

Vlaseničani su ogorčeni što su osobe odgovorne za masovne zločine u tom kraju na slobodi. Haški tribunal i Sud BiH za ubistvo oko 3.000 Vlaseničana do sada su osudili Dragana Nikolića Jenkija, Predraga Bastaha zvanog Car i Gorana Viškovića zvanog Vjetar. Veljko Bašić, upravnik zloglasnog logora Sušica, je na slobodi, a mnogi vlasenički zločinci su nastanjeni u Srbiji.

<http://www.klix.ba/vijesti/bih/mezarje-u-vlasenici-11-nevinih-zrtava-pronaslo-vjecni-smiraj/130420041>

<http://www.klix.ba/vijesti/bih/prezivjeli-vlasenicani-se-oprostili-od-svojih-najmilijih/130420032>

<http://www.klix.ba/vijesti/bih/na-mezarju-rakita-smiraj-ce-naci-11-nevinih-zrtava-medju-njima-i-dva-maloljetnika/130419123>